

佩文齋書畫譜

第二
卷
八
冊

佩文齋書畫譜目錄

第五十五卷

畫家傳十一

明一

陳遇

陳遠

楊基

張羽

徐賁

宋克

朱芾

王冕

吳雲

朱同

張紳

詹儼

劉崧

邵誼

邵孜

章橫塘

王行

顧祿

烏斯道

朱應辰

唐肅

陸闡

陸顥

陸瑄

陸琰

陸錫

周砥

宋杞

陸行直

莘野

薛穆

虞堪

馬琬

華晞顏

張文昱

陳汝秩

陳汝言

董荆

徐敬

沈元素

陳珪

陳允文

朱祺

朱佐

朱侃

朱蒙

王賓

王履

張忞起

周位

孫文宗

盛著

王直翁

章蓀

沈希遠

王仲玉

張彥材

馬良

相禮

王葯

徐良甫

陳敬止

胡秋碧

許舟

朱月鑑

王立本

王繼宗

金潤甫

周孟容

楊昇

史謹

韓廡

胡唯

鮑原禮

浦源

陳太初

顧琳

趙仲容

李石樓

夏義甫

滕遠

蔣月鑒

蔣玉泉

徐景暘

李西山

蘇照

藍瑜

陳德顏

堵炳

余仲楊

許如圭	陳舉善	李克雋	尚仲份	尚仲良
茅澤民	姚繼華	陳仲美	徐子修	羅小川
虞魯瞻	程玉泉	錢均羽	李元中	毛元升
俞景山	錢叔昂	袁子初	顧囿	朱士謙
俞凝清	朱自方	胡仲厚	吳景行	史均民
傅子英	盧景春	蕭澄	金黼	范摹
范川莊	周是修	鄭恕	徐原父	姚廣孝
胡儼	王璲	陳繼	王紱	夏景
夏曷	張益	錢復	張緒	屈杓
吳璫	林垺	魏天驥	朱孔易	高廷禮
林銘	金鉉	夏衡	鄭閻	林遵性
黃蒙	鄭昭甫	王彥真	過儀	過永瞻
周號	彭勗	茹洪	卓迪	蘇伯厚
高淮	高景度	周冕	羅雅	周原慶
朱亮	范暹	張子明	蘇致中	郭純
郭鼎	謝晉	蘇復	章瑾	吳子陵
上官伯達	李福智	殷善	殷偕	蔣子成
趙庶	邊文進	邊楚芳	邊楚善	俞存勝
張克信	錢永善	阮福	胡隆	鞏庸
周庸	沈遇	張子絃	袁廷玉	鄒明
邊孟屯	陳撫	陳以誠	蕭以德	蕭士信
蕭于喬	蕭于京	朱孟淵	馬景約	林景時

謝環	王世祥	黃暹	何澄	虞謙	張南伯	高旭	梁叔剛	曾沂	朱孟約	李芳	沈觀	趙壽	怵懋菴	潘宗紹	張德輔	薛績	李焮	鄭彥初	張僊童	解琇	胡旻
倪端	方鉞	王超	盧瑛	衛靖	陳希尹	於竹屋	楊雲林	沈翼	倪宗器	許端	汪文	劉憑	黃希穀	魏以敬	詹仲至	范禮	林質齋	陸復	李時	解珙	胡昱
石銳	夏芷	葉澄	張祝	陳勉	林森	趙從吉	鄭山輝	陳九成	睦坦	季賓	李子安	姚繼宗	王恭	鄭克修	高維端	董常	金文璉	柴崑陵	劉祥	盛虞	胡昂
李在	夏葵	戴進	王田	謝宇	趙子深	顧叔潤	顧文敘	沈彥誠	吳歸山	呂端俊	弓力本	董太初	張世祿	何景高	許俊	王養蒙	沈士廉	趙迪	林真士	王肇	胡昊
周文靖	仲昂	戴泉	孫隆	謝汝明	謝子德	李彬	趙友	夏鼎	王元道	呂敬甫	史政	盛叔大	胡元素	洪澤	李明遠	羅汝文	張德輝	林宏顯	顧寅	羅理	王毓

周鼎	馬軾	商喜	商祚	韓秀實
林廣	陳景初	陳鳳	陳璣	楊子英
鄭時敏	鄭文英	張士達	林輔	鄭克剛
陸宣	顧應文	張渙	滕杲	莫藏
壺敏	曹侃	張錦	張鐸	許宏
俞鵬	劉瑜	周永新	周璿	蘇季雅
雷濟民	張子俊	裴日英	陳公輔	陳公佐
聞人紹宗	曹仲賓	彭舜卿	沈誠	傅禮
鄭春	鄭堂	馬俊	許昂	王挹真

佩文齋書畫譜卷第五十五

畫家傳十一

明一

陳遇

陳遇字中行金陵人天資沈粹篤學博覽自名靜誠人稱之為靜誠先生上定金陵召見與語大悅三幸其第與官輒辭不就既即位再除翰林學士禮部侍郎禮部尚書皆固辭鄭曉吾學編靜誠先生善山水曾寫太祖御容妙絕當時金陵瑣事

陳遠

陳遠字中復一字中孚吾學編云陳遇之弟善模寫人物過四明愛風尚敦厚遂家焉太祖召寫御容為文淵閣待詔寧波志陳中復先生少力學通易經歷宦江海晚寄居四明其所得者皆一發之於畫識者謂其畫可比伯時林右公輯集

楊基

楊基字孟載號眉菴見書家傳其先蜀人徙居吳中官至山西按察使善山水竹石朱謀聖畫史會要徐賁題楊孟載畫竹詩云君心飽有渭川思揮灑風煙意閑散北郭集高楊張徐四先生惟太史不善畫寓意編

張羽

張羽字來儀更字附鳳號靜居見書家傳由潯陽徙居吳郡畫法米氏父子筆意最妙仕終太常丞畫史會要羽好著述工詩善畫名山藏張來儀不獨能詩兼亦善畫曾臨高房山小幅感而作歌有云我縱有心嗟欲老又云乾坤浩蕩江湖闊縱我執筆嗟何從蓋深心於是者六研齋筆記

徐賁

徐賁字幼文見書家傳自蜀徙蘇州官至河南布政畫法董源畫史會要

賁善圖染有山澤間意

名山藏

徐幼文畫山水林石濯濯可愛

王穉登丹青志

宋克

宋克字仲溫長洲南宮里人

見書家傳

善寫竹雖寸岡尺塹而千篁萬玉雨壘煙生蕭然無塵俗之氣

丹青志

仲溫唯寫細竹嘗見其作雞栖石叢篠一幅題語極自滿意有藝成不覺自斂手之句蓋謂不可復得也

六研齋

二筆

朱芾

朱芾字孟辨松江人官中書舍人

見書家傳

善山水白描人物

畫史會要

王冕

王冕

列朝詩集云字元章號煮石山農

諸暨人屢舉進士不第竟棄去買舟下東吳渡大江入淮楚歷覽名山川北游燕都既歸越

攜妻孥隱於九里山善畫梅不減揚補之求者肩背相望以繒幅短長為得米之差人譏之曰吾藉是以養口

體豈好為人家作畫師哉皇帝取婺州將攻越物色得寃寃幕府授以諮議參軍

宋濂潛溪集

吳雲

吳雲字友雲宜興人

見書家傳

洪武五年拜刑部尚書

列卿記

吳雲善畫山水

畫史會要

朱同

朱同字大同號朱陳村民又號紫陽山樵

見書家傳

官至禮部侍郎文才武略圖繪丹青無所不精時稱為三絕

朱同覆

韻稿附錄

張紳

張紳字士行

見書家傳

洪武中累官浙西布政善寫墨竹

劉璋皇明書畫史

詹儼

詹儼字以寬休寧人

見書家傳

洪武初官翰林學士畫馬師唐人亦工但少韻以故與松雪分蹊水墨者勝

詹東園玄覽

劉崧

劉崧字子高泰和人洪武三年以材學舉職方郎中出為北平按察副使十四年為國子司業吾學編

劉崧善寫梅竹集多自題詩劉棧翁集

邵誼

邵誼字思宜休寧人見書家傳洪武初訓導工山水尤精紅梅墨菊自號瓜圃鉏雲萬姓統譜

邵孜

邵孜字思善誼弟聰敏能文善梅竹山水縣尹唐子華畫擅當時孜盡得其妙萬姓統譜

章橫塘

章橫塘號丹霞仙客有稽古之學善畫蘭家貧鬻蘭為食不苟取與洪武初召拜知府辭弗就宋濂以詩贈其

行栗祁湖州志

王行

王行字止仲避跡吳山之石湖稱淡如居士畫史會要云號半軒梁國藍公薦於朝以其閑於事不能用張景吳中人物志

王行喜潑墨成山水時人謂之王潑墨畫史會要

顧祿

顧祿字謹中松江人見書家傳官太常典簿善雜畫亦能鈎勒竹石畫史會要

國初士人猶有前輩之風都喜學畫顧謹中經進集有自題畫竹詩松事叢說

烏斯道

烏斯道字繼善慈谿人見書家傳國初為永新令善寫竹春草齋集

朱應辰

朱應辰字文奎本作文奎字應辰今從姑蘇志列朝詩集號寄翁吳江人見書家傳洪武中舉明經授蘇州府訓導善白描人物畫史會要

唐肅

唐肅字處敬山陰人見書家傳洪武中供奉翰林文字書畫皆能嘗自作梅石圖賦詩題之皇明書畫史

陸闓

陸闓字伯暘興化人見書家傳洪武中仕為楚府伴讀畫山水木石為當時所重

楊士奇東里集

陸顥

陸顥闓之弟見書家傳官禮部員外郎能畫人物與其詩字稱為三絕畫史會要

陸瑄

陸瑄顥之子善山水人物花鳥草蟲雜品極其精妙以賢良方正辟舉歐陽東鳳興化志

陸琰

陸琰顥之子善唐馬蒼茫敗素時人獲之視為拱壁興化志

陸錫

陸錫顥之孫瑄之子善花鳥有呂廷振之風能詩號東村外史興化志

周砥

周砥字履道號菊溜生吳郡人見書家傳工畫山水蘇州志

周菊溜善山水能於叔明大癡兩家法度外獨標平淡清遠之趣紫桃軒雜綴

宋杞

宋杞字授之錢唐人舉進士國初以考禮召授官知全州未及任旅死於塗通易於史學尤邃兼善畫唐肅丹崖集

陸行直

陸行直字季衡吳江人見書家傳洪武中授翰林典籍詩畫清勁為人所稱畫史會要

莘野

莘野字叔耕歸安人洪武初由本縣儒學訓導遷棗強知縣致仕後改麗波巡檢卒官環州集

張羽題莘野寒林云好畫誰如莘棗強墮馬折肱猶未忘何年寫此寒林趣精絕未數左手王靜居集

薛穆

薛穆字公遠號澹園吳江人見書家傳洪武中為柳州通判亦精於畫畫史會要

虞堪

虞堪字克用一字勝伯宋丞相雍公諸孫也後家長洲好為詩兼能寫山水洪武中為雲南府學教授

列朝詩集

馬琬

馬琬字文璧秦淮人少有志節尤工諸畫學春秋於鐵崖國朝仕為撫州知府

列朝詩集

文璧工詩與書畫每遇佳山水必託之豪素有董北苑米南宮之法輒自題其左時號三絕

松江志

華晞顏

一作希賢

華晞顏字以愚洪武初辟舉以老辭隱居東湖作詩畫自娛

毘陵人品記

華以愚善畫山水

無錫志

華以愚祖法巨然而奄有雲西幼文之趣蓋一時能手也

六研齋三筆

張文昱

張文昱金陵人洪武五年知邵武善詩文尤精於畫號蒲塘散人後官刑部侍郎

江寧府志

陳汝秩

陳汝秩字惟寅安貧力學工詩文性嗜古每購書畫傾貲弗惜洪武初以人才徵至京師以母老辭歸

吳縣志

惟寅蘇門高士繪法宗唐宋傳采著色有李思訓李營丘之標致

六研齋三筆

陳汝言

陳汝言字惟允

畫史會要云號秋水

與兄汝秩齊名工詩兼善繪事洪武初以薦任濟南經歷坐事免

吳縣志

惟允善畫山水宗趙魏公清潤可愛

皇明書畫史

惟允溪山秋霽卷全學董巨慈母手中線小幅全學馬和之

清河書畫勛

董荆

董荆字宗楚新昌人博學好古長於詩文尤善畫洪武十七年舉博學宏辭授縣丞辭不就

莫旦新昌縣志

董宗楚善畫解衣盤礴揮灑淋漓王維鄭虔之風蓋可追也

呂不用得月稿

徐敬

徐敬字敬仲清江人洪武中為監察御史歷官春坊喜寫墨梅為海內所稱重別號梅雪

江西通志

沈元素

沈元素懷安人見書家傳工畫洪武初舉授本縣訓導後擢僉憲

何喬遠聞書

陳珪

陳珪字伯圭常熟人務學不仕師朱氏父子作山水筆意高雅頗自愛不輕為人作洪武中嘗居京邸

蘇州志

陳允文

陳允文書畫史云號寶齋珪子居鄉有隱德能詩亦善寫生

蘇州志

朱祺

朱祺字孟祺行己方雅有高韻畫山水兼諸家所長名籍甚號拙菴居士

蘇州志

朱佐

朱佐字廷輔祺子精於人物

蘇州志

朱侃

朱侃字廷直祺子亦精人物山水師夏珪尤超逸

蘇州志

朱蒙

朱蒙佐子亦以畫名

蘇州志

王賓

王賓貧士傳云字仲光吳郡人隱晦不仕嘗於天平山作龍門春曉圖遂知名於繪事

吳中人物志

王履

王履字安道崑山人博通羣籍教授鄉里能詩文工繪事游華山作圖四十幅安道畫少師夏圭評者謂行筆秀勁布置茂密作家士氣咸備及游華山見奇秀天出乃知三十年學畫不過紙絹相承指為某家數於是屏去舊習以意匠就天則出之

列朝詩集

張耒起

張亦起善畫元張師夔高弟洪武初有盛名兩浙清介凜然不苟接人

楊士奇東里續集

周位

周位字玄素太倉人博學多材藝尤工繪事洪武初取入畫院宮掖山水畫壁多出其筆

錢肅樂太倉州志

孫文宗

孫文宗字仲文祥符人善丹青尤善傳神洪武三年召至京傳寫太祖御容

李天麟祥符志

盛著

盛著字叔彰嘉興人盛懋之姪能全補圖畫運筆著色與古不殊洪武中供事內府

畫史會要

王直翁

王直翁字子愚少從周耕雲游耕雲專寫神畫得其術

秦草齋集

章葆

章葆字德玉金華人蚤歲北游嘗仕祕府年七十餘流落梁宋間時寫翎毛花果生意入神

程本立吳隱集

沈希遠

沈希遠崑山人山水宗馬遠亦善傳神洪武中寫御容稱旨授中書舍人

畫史會要

王仲玉

王仲玉洪武中以能畫召至京師

畫史會要

張彥材

張彥材善傳神楊廉夫常主其家爲詩畫交

太倉州志

馬良

馬良字子善臨安人來學於吳因家焉自幼巧慧於繪事尤精晚移崑山嘗作四天王像於僧寺甚奇特盧公

武爲作傳

吳中人物志

相禮

相禮字子先華亭人能詩善畫尤精於弈當世無敵洪武中召至京師厚賜遣還誠意伯常爲文贈之

松江志

相子先學黃大癡畫輒逼真

陳繼儒畫苑

王葑

王葑字子約金華人善畫竹多用鈎勒蘇伯衡嘗為鈎勒竹歌以美之

六研齋二筆

徐良甫

徐良甫與王葑同時蘭溪人善畫梅

六研齋二筆

陳敬止

陳敬止清江人嘗有志於學問文章而尤寓意於畫鳥獸魚蟲之情性雲煙山水之變態莫不精究為人傳形寫照猶能得其神

練安金川玉屑集

胡秋碧

胡秋碧海鹽人善傳神嘗欲畫楚石禪師像千幅畫將半而師化俄日本人至見之皆羅拜曰此吾國祖師也競以金售之秋碧由此致饒

海鹽圖經

許舟

許舟字子載石門人工畫山水初學盛子昭後倣黃子久其得意處皆逼真

石門志

朱月鑑

朱月鑑亡其名蘭溪人國初以善畫荷花得名所居之旁有小池可半畝許植荷數品作亭其上終日坐觀以察荷之生長榮悴苗葉花實容色態度為之寫真筆妙入神

陸鳳儀金華志

王立本

王立本嘉善人山水人物師梁楷山水則麤筆遠意有微茫煙雨之狀

嘉善志

王繼宗

王繼宗立本子畫師盛懋筆法精細

嘉善志

金潤甫

金潤甫畫史明初謫大理繪武安王廟壁大理之工畫自潤甫始

雲南府志

周孟容

周孟容嘉定人工寫神王常宗嘗敘其聚英圖

吳中人物志

楊彝

楊彝字宗彝餘姚人別號銀塘生

見書家傳

乘牛出入四明洞天遇風景林壑之美即箕踞長嘯狀其草木水石題詩

於上墨光動盪

紹興志

史謹

史謹字公謹少從倪瓚高啓游博學好古工詩什善丹青洪武末用翰林學士王景薦授應天府推官左遷湘

陰丞既謝政僑居金陵自號吳門笠樵

崑山人物傳

史謹長於寒林雪景

金陵瑣事

韓廡

韓廡字仲廡婺源人博學工書善畫號樵野

徽州志

胡唯

胡唯字貫道婺源人工詩善書尤善畫山水雲龍梅竹人稱三絕嘗採六經子史之要詩文書畫之法名曰致和編永樂中訪求遺書其從子士沂上之

徽州志

鮑原禮

鮑原禮畫菜若生

畫史會要

四明鮑原禮山水人物花鳥一卷國子博士臨安錢宰伯均爲之序原禮無所見伯均在國初與宋景濂諸公俱以文顯

程敏政篁墩集

浦源

浦源字長源工詩與福建林鴻爲詩友號十才子尤善畫舉授晉府引禮舍人號東海生

秦夢無錫志

浦長源雲林弟子善畫

吳隱集

陳太初

陳太初劉伯溫謂其善畫松亦能墨竹

畫史會要

顧琳

顧琳號雲屋上虞人仕為知州讀書政治之暇游戲繪事為世所重

畫史會要

吳郡顧雲屋工山水畫鄭山輝稱其有出塵之趣

宋玄傳庸庵集

呂不用題顧雲屋雲山圖云我識東吳顧文學早歲丹青動黃閣揮毫得意傲王侯霜刮虬髯面如削

得月稿

趙仲容

趙仲容會稽人以繪事游山海間

庸菴集

李石樓

李石樓太守寫竹有書法

庸菴集

夏義甫

夏義甫鄞南人博學好古築室天目杜門隱居與張羽諸君子相為師友每有所得輒為吟咏又喜繪事天目

山房圖蓋其得意筆也

栗祁湖州志

滕遠

滕遠吳郡人朱景春安分軒卷洪武辛酉滕遠畫

鐵網珊瑚

蔣月鑒 蔣玉泉

蔣月鑒金壇人善寫照子玉泉得其傳

謝應芳龜巢集

徐景暘

徐景暘南徐人工書史善吟詩旁通繪事有士韻而無俗姿一時賢公卿皆與之游有薦於朝者以母老不仕

宋濂學士集

李西山

李西山未詳何許人宋太史景濂嘗題其古木圖

皇明書畫史

蘇照

蘇照字明遠建安人爲黃叔暘作墨菊圖侑之以竹石

宋濂翰苑別集

藍瑜

藍瑜盱江人宋濂題柏菴圖後云上黨馬君庭堅其幼也父名之以柏長遂築室而居曰柏菴及主事勲曹轉
閩省檢校官不至菴中者頗久乃命盱江藍瑜畫爲圖時展玩之

翰苑別集

陳德頴

陳德頴松陽人善描真宋濂贈傳神陳德頴序云京都之間天下藝能之所萃止如德頴者什百之中僅一見
焉

宋學士集

堵炳

堵炳字文明官郎中善畫山水

劉槎翁集

南溪耕漁圖刑曹郎中堵文明所作

貝瓊清江集

余仲揚

余仲揚善山水劉崧題其畫云金華仙人余仲揚筆墨蕭疎開老蒼

劉槎翁集

許如圭

許如圭太祖時人劉崧題許霍州如圭所畫譽溪圖云許侯作畫如作字點綴清妍極風致

劉槎翁集

陳舉善

陳舉善泰和縣丞工山水

劉槎翁集

李克雋

李克雋兵曹善作墨竹

劉槎翁集

尚仲份

尚仲份善畫爲陳孔碩作松岸輕舟圖

劉槎翁集

尚仲良

尚仲良太祖時人張以寧題其畫鷺卷云滄江雨疎疎翻飛一春鋤老樹如人立欲下意躊躇明年柳條長遮汝行捕

魚翠屏集

茅澤民

茅澤民號臞叟高太史季迪題其夏山過雨圖云茅翁素有丹青才新圖一片似海岳高堂未展涼先來嗟余久逐揮汗客席帽障日趨黃埃問翁幾欲東游去如此畫圖安在哉

畫史會要

姚繼華

姚繼華以文學被徵任河間都轉運使張羽有題姚運使畫溪山仙館圖詩

靜居集

陳仲美

陳仲美太祖時人張羽題其夏木圖云陳郎筆力能扛鼎寫此千章夏木寒

靜居集

徐子修

徐子修善畫山水素凱題其畫云襄陽小米師董源妙處不受繩墨牽頃刻萬里皆自然房山尚書世稱賢化為白雲滿晴巔李家將軍極清妍畏避退縮不敢前至今海內人爭傳卿惟得此二家意損益往往無留滯意思元居造化先筆力正在蒼茫際

海叟集

羅小川

羅小川豫章人善畫

翠屏集

虞魯瞻

虞魯瞻太祖時人貝瓊題其所畫山水云御史新來水石工數峰依約米南宮試添茅屋新林下著我江南鶴髮翁

貝

清江集

程玉泉

程玉泉太祖時人詹同題程玉泉竹云玉泉公子能寫竹曾動天顏丹禁中今觀此圖亦清絕琅玕个个生秋風昔日

輞川王摩詰後來吳興趙子昂古今名筆兩奇絕玉泉欲與爭輝光

天衡舒嘯集

錢均羽

錢均羽善畫

丹崖集